

IIB MA GALO

FAAFINTÁ RÁSMIGA AH

الرسمية



الجريدة

Sannadka 12aad Muqdisho 1da Agoosto 1984 L.8

J. MHUURIYADDA DIMOQRAADIGA SOOMAALIYA

جمهورية الصومال الديمقراطية

FAAFIN BIL SOO BAXA

جريدة شهرية

QIIMADU: waa 5 shilin lambar waliba — **RUKUNKA:** Sanaadii waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee Wasaarada Lacagta.

K O O B N I I N

QAYBTA

KOOWAAD

SHARCI

SHARCI L. 26 ee 5 Luulyo 1984 Sarciga Shaqaalaha Warshadaha Qaranka.—

BOG. 566

SHARCI L. 27 ee 7 Luulyo 1984 Oggolaansho Heshiis amaahood oo dhex maray J.D.S. iyo Bankiga maalgelinta ee Yurub, kuna saabsan Mashruuca Gaaska Afgooye.—

» 569

SHARCI L. 28 ee 7 Luulyo 1984 Oggolaansho Heshiis amaahood oo dhexmaray J.D.S. iyo Hay'adda Horumarinta Caalamiga (IDA) oo ku saabsan Mashruuca Gaaska Afgooye.—

» 570

Wakaaladda Madbacadda Qaranka

QAYBTA KOWAAD

S H A R C I

Sharci Lambar 26 taariikh 5 Luulyo 1984 Sharci ga Shaqaalaha Warshadda Qaranka.—

ISAGOO TIXGELINAYA: Oggolaanshaha Guddiga Joogtada ah ee Golaha Shacbiga.

WUXUU SOO SAARAYAA: Sharciiga Soo Socda.

Qod. 1aad

1. Sharciigu wuxuu saameeyaa Warsharaha Qaranka oo idil, ha ahaado kuwa qaabka leh iyo kuwa aan lahayn, kuwa hirgalay ama kuwa weli heer Mashruuc ah iyo kuwa kale ee mustaqbilka dhismi doona.

2. Shaqaalaha Warshadaha Qaranka waxaa loola Jeedaa Shaqaalaha Joogtada ah iyo kuwa aan Joogtada ahayn ee ka shaqeeya Warshadaha, maalinta sharci gani dhaqan galo iyo kuwa dib laga qori doono, marka laga reebo Maareeyaha Guud iyo ku xigeenka Maareeyaha Guud, haddii uu jiro oo lagu magacaabo Xeer Madaxweyne.—

Qod. 2aad

Shaqaalaha Warshadaha waxaa lagu dhaqi doonaa, laga bilaabo 1da Sitembar 1984, sharciiga tirsigiisu yahay 65 ee soo baxay 18kii Oktoobar 1972kii, iyo beddeladyadii ka dambeeyay.

Qod. 3aad

1. Warshad kasta waxay sameysaneysaa heshiis wada jireed oo soconaaya muddo 3 sano ah, wuxuuna dhex marayaa Maamulka Warshadda iyo Wakiilada Shaqaalaha, iyadoo la raacayo qodobada 31 iyo 32 ee Sharciiga Shaqaalaha oo ku xusan qodobka hore.

2. Heshiisku wuxuu tixgelinayaa awoodda dhaqaaq le. Farsamo, wax soo saar iyo degaan ee War/d kasta.

3. Maamulka Warshaduhu waxay ku dhameynayaan abaabulka iyo saxiixa heshiisyada ku tilmaaman faqradda 1aad ee qodobkan ilaa 31ka Agoosto 1984.

Qod. 4aad

1. Warshadaha Qaranka waxaa laga baabi'iyay qaa bkii iyo meeleyntii Shaqaalaha Joogtada ah ee horay loogu sameeyay.

2. Xuxuuqda hawl-gabka iyo liilitirka ee Shaqaalaha Joogtada ah ee Warshadaha Qaranka u bislaatay ilaa 31ka Agoosto 1984, kuna muteystay shuruucdii hore loogu dhaqi jiray waxaa bixineysa Wasaaradda Maaliyadda.—

3. Xaqa liilitirka waxaa yeelanaya oo kale qofka Shaqeeyay muddo ka yar 10 sano ee liilitirka caadiga ah lagu yeesho.

4. Taariikhda Faqradda sare ku tilmaaman ka dib xuquuqda Shaqaalaha u go'day waxay ku yeelanayaan Warshadaha ay ka shaqeeyaan.

Qod. 5aad

1. Saddex sano gudahooda, laga bilaabo taariikhda dhaqan galka sharcigan, Wasaaradda Maaliyaddu waa in ay bixiso xuquuqda liilitirka ee ugu go'day shaqaalaha Warshadaha sharcigii hore loogu dhaqi jiray.

2. Wasiirka Wasaaradda Warshaduhu wuxuu gudbinayaa inta ka horaysa 31ka Disembar 1984, liisaska iyo qoraallada la xiriira shaqaalaha xaqa liilitirka muteystay.—

3. Wasaaradda Maaliyaddu waxay bixinta xaqa liilitirka u sameynaysaa qorshe waqtiyeysan oo 3 sano ah, waxayna u kala hormarineysaa sida shaqaaluhu ay shaqada uga kala horreeyeen.

Qod. 6aad

1. Marka ay jirto baahi weyn, maamulka Warshad du wuxuu heshiis gaar ahaaneed la geli karaa qofkii aqoontiisa ama xirfaddiisa loo arko in Warshaddu ayan ka maarmin.—

2. Heshiiska kor ku tilmaaman, Maamulka Warshaddu wuxuu geli karaa marka uu helo oggolaansaha Wasiirka Warshadaha oo qoraal ah.—

Qod. 7aad

Wasiirka Wasaaradda Warshaduhu, isagoo tixgeli-naya soo jeedinta Maareeyaha Guud ee Warshadda iyo heshiiska wadajireed, wuxuu soo saarayaa Xeer nidaamiye u gaar ah Warshad kasta.

Qod. 8aad

Waxaa la buriyay sharci kasta ee ka soo horjeeda ama aan la socon karin sharcigan.—

Qod. 9aad

Sharcigan wuxuu dhagan gelayaa isla maalinta uu saxiixo Madaxweynaha J.D.S. waxaana lagu soo saari doonaa Faafinta Rasmiga ah ee Jamhuuriyadda.

Muqdisho, 5 Lug. 1984

MADAXWEYNAHA J.D.S.

Maxamed Siyaad Barre